

(პროექტი)

ხელშეკრულება სახელმწიფო შესყიდვის შესახებ

N^o _____

ქ. მცხეთა

___ 2023 წელი

ერთი მხრივ (შემსყიდველი): სსიპ საქართველოს ინტელექტუალური საკუთრების ეროვნული ცენტრი - "საქპატენტი"

წარმოდგენილი -----

საიდენტიფიკაციო კოდი: 203 831 363

მისამართი: ქ. მცხეთა, ანტიოქიის ქ. №5

მიმღები: სახელმწიფო ხაზინა

ბანკის კოდი:

სახაზინო კოდი:

მეორე მხრივ (მიმწოდებელი): -----

წარმოდგენილი -----

საიდენტიფიკაციო კოდი: -----

მისამართი: -----

ბანკის დასახელება: -----

ბანკის კოდი: -----

IBAN: -----

წინამდებარე ხელშეკრულება გაფორმებულია „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 33-ე მუხლის პირველი პუნქტის შესაბამისად, პრეტენდენტის (მისი დასახელება) სატენდერო წინადადების საფუძველზე. NAT----- ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული;
- 1.4. „შემსყიდველი“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ხელშეკრულების ფარგლებში ახორციელებს შესყიდვის ობიექტის მიწოდებას.

2. ხელშეკრულების საგანი და შესყიდვის ობიექტი

- 2.1. ხელშეკრულების საგანს წარმოადგენს შემსყიდველის ბალანსზე არსებული სხვადასხვა სახის დანადგარების, მოწყობილობებისა და სისტემების შეკეთებისა და ტექნიკური მომსახურების შესყიდვა;
 - **CPV კოდი: 50700000 - შენობის მოწყობილობების შეკეთება და ტექნიკური მომსახურება;**
- 2.2. ხელშეკრულების ობიექტია შემსყიდველის შენობა-ნაგებობების მიმდინარე შეკეთების (ტექნიკური მომსახურება) სახელმწიფო შესყიდვა ხელშეკრულების დანართი N1 და N2-ით განსაზღვრული პრეისკურანტისა და მატერიალურ-ტექნიკური ბაზის შესაბამისად.

3. ხელშეკრულების ღირებულება

- 3.1. ხელშეკრულების ღირებულება შეადგენს არაუმეტეს - **40 000.00 (ორმოცი ათასი) ლარს;**
- 3.2. ხელშეკრულებისა და პრეისკურანტის ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს (დღე-ის გათვალისწინებით);
- 3.3. ხელშეკრულებით გათვალისწინებული მომსახურების ერთეულის ფასი განისაზღვრება დანართი N---ის (პრეისკურანტი) შესაბამისად, პრეისკურანტის ჯამური ღირებულება შეადგენს (-----) ლარს.

4. შესყიდვის ობიექტის მიწოდების პირობები

- 4.1. შესყიდვის ობიექტის მიწოდების ვადაა 2024 წლის 01 იანვრიდან - 2024 წლის 31 დეკემბრის ჩათვლით;

- 4.2. მიმწოდებელი ახორციელებს დანართი №2-ით განსაზღვრულ ობიექტებზე არსებული მატერიალურ-ტექნიკური ბაზის დათვალიერება-შემოწმება-გატესტვასა და მათი მდგომარეობის შესახებ შესაბამისი აქტის შედგენას თვეში არანაკლებ ერთხელ (შემსყიდველთან შეთანხმებით);
- 4.3. ყოველ კონკრეტულ შემთხვევაში მიმწოდებელი ვალდებულია შეადგინოს დეფექტური აქტი, რომელშიც მითითებული უნდა იყოს გასაწევი მომსახურების დეტალური აღწერა, მისი ღირებულება, აგრეთვე მომსახურების დაწყებისა და დასრულების ვადები;
- 4.4. შესყიდვის ობიექტის მიწოდების ადგილია დანართი N2-ში მითითებული მისამართებზე განთავსებული შემსყიდველის ტერიტორიული ობიექტები.

5. ანგარიშსწორების ფორმა, ვადები და პირობები

- 5.1. ანგარიშსწორება განხორციელდება ეტაპობრივად, უნაღდო ანგარიშსწორებით, ეროვნულ ვალუტაში – ლარში, მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი სასაქონლო ზედნადების საფუძველზე;
- 5.2. ანგარიშსწორება განხორციელდება წინამდებარე ხელშეკრულების 5.1 პუნქტით განსაზღვრული დოკუმენტაციის სრულყოფილად გაფორმებიდან არაუგვიანეს 10 (ათი) სამუშაო დღის ვადაში;
- 5.3. წინასწარი ანგარიშსწორება არ გამოიყენება;
- 5.4. დაფინანსების წყარო: სსიპ საქართველოს ინტელექტუალური საკუთრების ეროვნული ცენტრი - „საქპატენტის“ 2024 წლის საკუთარი შემოსავლები.

6. ხელშეკრულების შესრულების კონტროლი

- 6.1. ხელშეკრულების შესრულების კონტროლს ახორციელებს/ახორციელებენ სსიპ საქართველოს ინტელექტუალური საკუთრების ეროვნული ცენტრის - „საქპატენტის“ ეკონომიკური დეპარტამენტის ლოჯისტიკის სამმართველოს წარმომადგენელი/წარმომადგენლები;
- 6.2. შემსყიდველი უფლებამოსილია აწარმოოს მიწოდებული შესყიდვის ობიექტის ხარისხის ინსპექტირება ხელშეკრულების მოქმედების ნებისმიერ ეტაპზე. შემსყიდველს უფლება აქვს ჩართოს ინსპექტირების პროცესში სხვა პირები, რომელთა ჩართვასაც ის ჩათვლის მიზანშეწონილად.

7. შესყიდვის ობიექტის მიღება-ჩაბარების წესი

- 7.1. მიმწოდებლის მიერ ნაკისრი ვალდებულებების შესრულება დასტურდება მხარეთა შორის გაფორმებული მიღება-ჩაბარების აქტით;
- 7.2. მიღება-ჩაბარების აქტი დგება ყოველთვიურად, ყოველი მომდევნო თვის არაუგვიანეს 10 რიცხვისა ინსპექტირების განმახორციელებელი პირის/პირების მიერ შედგენილი დასკვნის საფუძველზე.

8. მხარეთა უფლებები და ვალდებულებები

8.1 მიმწოდებლის უფლებები და ვალდებულებები

8.1.1 მიმწოდებლის უფლებები:

- 8.1.1.1 მიმწოდებელს უფლება აქვს მოითხოვოს მიწოდებული შესყიდვის ობიექტის ღირებულების დროული და სრული ანაზღაურება ხელშეკრულების პირობების შესაბამისად.

8.1.2 მიმწოდებლის ვალდებულება:

- 8.1.2.1 უზრუნველყოს შესყიდვის ობიექტის მიწოდება წინამდებარე ხელშეკრულების პირობების შესაბამისად;
- 8.1.2.2 ხელი შეუწყოს შემსყიდველს ხელშეკრულების შესრულების კონტროლის განხორციელებისას და უზრუნველყოს ინსპექტირების შედეგად გამოვლენილი წუნის აღმოფხვრა საკუთარი ხარჯით. უზრუნველყოს ხარვეზის (მათ შორის ხარვეზიანი ნაწილის შეკეთება ან შეცვლა ახლით) აღმოფხვრა, შემსყიდველის წერილობითი მიღებიდან არაუმეტეს 48 საათის განმავლობაში (სირთულის მიხედვით). აღნიშნულთან დაკავშირებით, მიმწოდებლის სახელზე გაგზავნილი იქნება შესაბამისი გამაფრთხილებელი წერილი.
- 8.1.2.3 დაიცვას შესყიდვის ობიექტთან დაკავშირებული მოწყობილობების მწარმოებლების მიერ განსაზღვრული ექსპლუატაციის წესებით გათვალისწინებული ყველა მოთხოვნა;
- 8.1.2.4 წინამდებარე ხელშეკრულების დანართი N2-ით განსაზღვრული მოწყობილობების დაზიანების შემთხვევაში, შემსყიდველის მხრიდან წერილობითი ან სხვა სახის (ტელეფონი, ელ. ფოსტა) შეტყობინების საფუძველზე უზრუნველყოს თავისი მომსახურე პერსონალის მობილიზება:
- დაუყოვნებლივ, არაუგვიანეს 3 საათისა, თუ მომსახურებას დაქვემდებარებული ობიექტის სრულფასოვან ფუნქციონირებას და/ან შემსყიდველის მომსახურე პერსონალს საფრთხე ემუქრება;
 - 48 სთ-ის განმავლობაში, სხვა დანარჩენ შემთხვევაში.
- 8.1.2.5 მომსახურება განხორციელოს შემსყიდველთან წინასწარ შეთანხმებული შესაბამისი კვალიფიკაციის მქონე სპეციალისტების მიერ და დაიცვას უსაფრთხოების ნორმები. მიმწოდებელი პასუხისმგებელია მიყენებული ზიანის საკუთარი ხარჯებით ანაზღაურებაზე, ან იმ უბედურ შემთხვევაზე, რომელიც გამოწვეულია მომსახურების პროცესში ტექნიკური გაუმართაობით;
- 8.1.2.6 შეცვლილი ნაწილ(ებ)ი მიმწოდებელმა დატოვოს კონკრეტულ ობიექტზე შემსყიდველის შესაბამის უფლებამოსილ პირთან შეთანხმებით;
- 8.1.2.7 თუ რომელიმე დეტალის/ნაწილის მოძიება ვერ ხერხდება საქართველოს ბაზარზე, მისი ჩამოტანა უნდა განხორციელოს გონივრულ ვადებში, მაგრამ არაუგვიანეს 20 (ოცი) სამუშაო დღისა;
- 8.1.2.8 დაიცვას შრომის უსაფრთხოების სფეროში საქართველოს კანონმდებლობით დადგენილი მოთხოვნები და განხორციელოს ყველა საჭირო და პროპორციული ზომი, რათა უზრუნველყოს მისი დასაქმებულების შრომის უსაფრთხოება შემსყიდველის სამუშაო სივრცეში.

8.2 შემსყიდველის უფლებები და ვალდებულებები

8.2.1 შემსყიდველის უფლებები:

- 8.2.1.1 შემსყიდველს უფლება აქვს აწარმოოს მიწოდებული შესყიდვის ობიექტის ხარისხის კონტროლი;
- 8.2.1.2 შემსყიდველს უფლება აქვს მიმწოდებელს მოსთხოვოს შესყიდვის ობიექტის მიწოდება წინამდებარე ხელშეკრულების პირობების შესაბამისად;
- 8.2.1.3 შემსყიდველი უფლებამოსილია პერიოდულად განახორციელოს ინსპექტირება. ინსპექტირების შედეგად თუ დადგინდა, რომ კონკრეტული მოწყობილობის დაზიანება გამოწვეული იქნა მიმწოდებლის ბრალეულობით, შემსყიდველი უფლებამოსილია მიმწოდებელს მოსთხოვოს ზიანის ანაზღაურება.

8.2.2 შემსყიდველის ვალდებულებები:

- 8.2.2.1 შემსყიდველი ვალდებულია უზრუნველყოს მიმწოდებლის მიერ მიწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

9. პირგასამტეხლო ხელშეკრულების პირობების შეუსრულებლობისათვის

- 9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეებს შესაძლოა დაეკისროთ პირგასამტეხლო, ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით;
- 9.2. წინამდებარე ხელშეკრულების 8.1.2.2. და 8.1.2.7 პუნქტებით გათვალისწინებული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით;
- 9.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების მიზეზით ხელშეკრულების შეწყვეტის შემთხვევაში, შემსყიდველს უფლება აქვს მიმწოდებელს დააკისროს პირგასამტეხლო ხელშეკრულების ღირებულების 10%-ის ოდენობით;
- 9.4. იმ შემთხვევაში, თუ მიმწოდებელზე ვადების გადაცილებისთვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;
- 9.5. იმ შემთხვევაში, თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით;
- 9.6. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან;
- 9.7. შემსყიდველი უფლებამოსილია ამ ხელშეკრულების შესაბამისად დაკისრებული პირგასამტეხლოს თანხა გაქვითოს მიმწოდებლისათვის ხელშეკრულების შესაბამისად გადასარიცხი თანხიდან.

10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ნებისმიერი ცვლილება წინამდებარე ხელშეკრულებაში ხორციელდება მხარეთა შორის წერილობითი შეთანხმების საფუძველზე, ორივე მხარის უფლებამოსილი წარმომადგენლის ხელმოწერით;
- 10.2. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;
- 10.4. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია ცალმხრივად შეწყვიტოს ხელშეკრულება ხელშეკრულების პირობების დამრღვევი მხარისთვის წერილობითი შეტყობინებით;
- 10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით, წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში;
- 10.6. შემსყიდველი უფლებამოსილია ცალმხრივად შეწყვიტოს ხელშეკრულება წინამდებარე ხელშეკრულების 8.1.2.2. ქვეპუნქტის შესაბამისად განსაზღვრული გამაფრთხილებელი წერილის მიმწოდებლისათვის სულ მცირე ორჯერ გაგზავნის შემთხვევაში.

11. ხელშეკრულების შესრულების შეუძლებლობა

- 11.1. მხარეთა მიერ ამ ხელშეკრულების პირობების შეუსრულებლობა არ გამოიწვევს პასუხისმგებლობას, თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);
- 11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;
- 11.3. მხარემ, რომელსაც შეექმნა ფორს-მაჟორული გარემოება, აღნიშნული გარემოების დადგომიდან დაუყოვნებლივ (24 საათში) წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან;
- 11.4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. გარანტია

- 12.1 მიმწოდებლის მიერ შეცვლილ ნაწილებზე და გაწეულ მომსახურებაზე ვრცელდება გარანტია;
- 12.2 კონკრეტული გამოცვლილი ნაწილისა და შესრულებული მომსახურების საგარანტიო ვადა შეადგენს მიღება-ჩაბარების აქტის გაფორმებიდან არანაკლებ 1 (ერთი) წელს, ხოლო შეკეთებული ნაწილის საგარანტიო ვადა - არანაკლებ 6 (ექვსი) თვეს. საგარანტიო პერიოდის განმავლობაში აღმოჩენილი ხარვეზის შემთხვევაში, მიმწოდებელი ვალდებულია საკუთარი ხარჯებით უზრუნველყოს ხარვეზის (მათ შორის ხარვეზიანი ნაწილის შეკეთება ან შეცვლა ახლით) აღმოფხვრა, შემსყიდველის წერილობითი შეტყობინების მიღებიდან არაუმეტეს 48 საათის განმავლობაში (სირთულის მიხედვით) თუ მხარეები ხარვეზის აღმოფხვრის სხვა ვადაზე წერილობით არ შეთანხმდნენ;
- 12.3 ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, საგარანტიო პერიოდში აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუგვიანეს ამ ხელშეკრულების 8.1.2.2 პუნქტში მითითებული მომსახურების ვადებისა გამოასწოროს ნაკლი, შემსყიდველის მხრიდან დამატებითი დანახარჯების გაწევის გარეშე.

13. დავები და მათი გადაწყვეტის წესი

- 13.1 ხელშეკრულება დადებულია და განიმარტება საქართველოს კანონმდებლობის შესაბამისად;
- 13.2 ხელშეკრულების შესრულების პროცესში მხარეთა შორის წარმოშობილი დავა წყდება მორიგებით;
- 13.3 შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: საგარანტიო მომსახურების ნაწილში - ხელშეკრულების მე-12 მუხლის შესაბამისად; ხელშეკრულების მე-9 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე, ხოლო ყველა სხვა ნაწილში ხელშეკრულება მოქმედებს 2025 წლის 31 იანვრის ჩათვლით.